



2023-yil
12-sentabr
seshanba
№ 113
(4865)

Ishonch

Yurt taraqqiyoti yo'lida birlashaylik!

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqa boshlagan



Жиззах
вилояти

Қулайлик

ЗОМИНГА ТОШКЕНТДАН ҲАР КУНИ ПАРВОЗ

Шу йилнинг 7 сентябридан «Uzbekistan Airways» ҳар кuni «Тошкент – Зомин – Самарқанд» ва «Самарқанд – Зомин – Тошкент» йўналишларида қатновларни амалга оширмақда.

Зомин тумани «Лайлак уя» массиви ҳудудда бунёд этилган «Зомин» аэропортида 30 ўринга мўлжалланган йўловчи терминали қурилган. Ёзнинг иссиқ ҳавоси, қишнинг совуғи, баҳор ва куз фаслларидаги иқлим ўзгаришлари инobatга олиниб, зарур қулайликлар яратилгани таҳсинга лойиқ.

– Туманимизда ички туризмни ривожлантириш, йўловчиларга арзон нархларда авиаташув хизматлари кўрсатиш ва авиакомпаниялар фаолиятини қўллаб-қувватлаш мақсадида резидент авиакомпанияларига ички туризм йўналишларидаги авиақатновлар учун авиачипта нархининг 25 фоизи миқдоридан республика бюджетидан субсидия ажратиш тизими жорий этилди, – дейди «Зомин» аэропорти раҳбари Турсунали Усмонкулов. – Зоминдан Тошкентгача ва Зоминдан Самарқандгача бўлган авиачипта нархи 78 минг 224 сўм. Тошкентдан ва Самарқанддан Зомингача эса 104 минг 299 сўмни ташкил этади.

Зоминдан пойтахтга парвоз қилувчи самолётда 19 нафар йўловчи ўриндиги мавжуд. Ушбу ҳаво кемаси 1500 километр масофагача уча олади. Айни дамда «Зомин» аэропортида «Uzbekistan Airways»нинг иккита «LET L-410» русумдаги самолёти аҳолига хизмат кўрсатмоқда.

– Тошкент давлат иқтисодиёт университети сиртки бўлими талабасиман. Зоминдаги «Логистика маркази»да туризм йўналиши бўйича ишламан. Ушбу йўналишнинг йўлга қўйилиши нафақат талабалар, балки сайёҳларнинг Зоминга келиши янада кўпайишига хизмат қилади, – дейди айнан шу рейс билан Тошкентга парвоз қилиш арасида турган йўловчи Жаҳонгир Умиров.

Яқинда Ўзбекистон Журналистлар уюшмаси Жиззах вилояти бўлими томонидан аэропорт билан танишиш мақсадида ташкил этилган пресс-турда иштирокчилар мазкур маскан ва у ердаги имкониятларни кўздан кечиришди.

Аэропорт мутасаддиларининг маълумотига кўра, «Зомин» аэропорти фаолиятини бошлаши билан барча мутахассис, техник ва хўжалик ходимларини қўшиб ҳисоблаганда 30 нафарга яқин киши доимий иш ўрни билан таъминланган. Келгусида аэропорт фаолиятини кенгайтириш ҳисобига яна 25 янги иш ўрни яратилиши режалаштирилган.

Мўқимбой ИСМОИЛОВ
«ISHONCH»



Тошкент
вилояти | Миннатдорлик

ШИРИН СЎЗ БАРЧА ДАРДГА ДАВО

«Зангиота туманидаги 13-Болалар му-сиқа ва санъат мактабида фаррош бўлиб ишлайман. Яқинда ишхонамиз касаба уюшма кўмитаси томонидан «Умид гулшани» сиҳатгоҳига йўлланма берилгани мен учун қутилмаган совға бўлди.



Сиҳатгоҳда турли вилоятлардан дам олиш учун келганлар билан танишдим. Айниқса, масканда шифокорлардан тортиб, ҳатто қоровулгача дам олаётганларга самимий муомаласи барчамизни хушнуд этди. Ширин сўз барча дардларга даво деганлари шу бўлса керак. Келганимдан бери, қарангки, оёқларим оғримаяпти, асабларим тинч...».

Умри ҳалол меҳнатда ўтган, гап-сўзлари ўзига ярашган зангиоталик Матлуба Исхонбекова ўз кечинмаларини биз билан телефон орқали ана шундай бўлишди.

Яқиндагина давлатимиз мустақиллигининг 32 йиллиги муносабати билан, Тошкент вилоятида турли соҳаларда хизмат қилаётган 10 нафар аёлга «Умид гулшани» дам олиш масканига бепул йўлланмалар топширилган эди. Йил якунига қадар Ўзбекистон касаба уюшмалари Федерацияси Тошкент вилояти кенгаши томонидан яна бир гуруҳ фаолларга ана шундай бепул йўлланмалар тақдим этилиши режалаштирилган.

Нигора РАХИМЖОНОВА

Кун мавзуси

Шу йилнинг 11 август кuni пойтахтимизда чангли ҳаво кузатилди. Соат 18:30 ҳолатига кўра, Ўзбекистон пойтахти IQAir рейтингида дунё шаҳарлари орасида ҳавонинг ифлослиги бўйича 2-ўринни эгаллади. «Ўзгидромет» кузатув натижаларига кўра, Тошкент шаҳрида шу кuni соат 16:00-17:00 атрофида ҳавонинг майда чанг зарралари (PM 2,5) билан ифлосла-ниши қўйидагича бўлган:



Бошкентимиз тагин «Чангкент»га айланди

– Юнусобод тумани «Бодомзор» йўлида –133 мкг/м³;

– Чилонзор тумани Халқлар дўстлиги майдонида –171 мкг/м³.

Ушбу ҳудудларда ҳаводаги чанг миқдори АҚИ – PM 2,5 кўрсаткичи бўйича ҳавонинг «зарарли» даражадаги ифлосланиш тоифасига киради.

Муқояса учун, Жаҳон соғлиқни сақлаш ташкилоти тавсияларига кўра, ҳаводаги чанг зарраларининг куник меъёри 15 мкг/м³ ни ташкил этади.

«Санэпидкўмита» эса аҳолига чангли ҳавода қилиш керак бўлган қатор тавсиялар берди.

Буни, балки куз фаслининг бошланиши ёки ёмғирлар кам ёғаётгани билан изоҳлармиз. Аммо...

Бизнинг назаримизда, Бошкентдаги бетартиб қурилишлар, дарахтларнинг аёвсиз кесилиши, ҳаракатланаётган автомобилларнинг ҳаддан зиёд кўплиги, иқлим ўзгариши шу каби ҳолатларни юзага келтирмақда.

Кейинги йилларда пойтахт қурилишлар марказига айланди. Афсуски, худди мана шу бетартиб қурилишлар ва дарахтларнинг кесилиши «самара»сини кўряпмиз.

Мулоҳазамиз шуки, бу ҳолат биринчи марта такрорланаётгани йўқ. Ўтган йиллари ҳам Тошкент чанг ҳавоси билан дунёда юқори ўринларни эгаллаганига кўп бор гувоҳ бўлдик.

Бизнингча, бу каби ҳолатлар барчанинг оғоҳлигини ошириши, масъулларни эса чуқурроқ фикрлашга чорлаши керак. Зеро, бу кичик масала эмас.

Эъзоа УМРЗОҚОВА
«ISHONCH»

Rank	Major city, country/region	AQI US	Followers
1	Johannesburg, South Africa	104	56.5K followers
2	Tashkent, Uzbekistan	102	36.6K followers
3	Dubai, United Arab Emirates	101	255.9K followers
4	Kuching, Malaysia	100	45.7K followers
5	Kuwait City, Kuwait	100	54.6K followers
6	Lahore, Pakistan	100	309.1K followers
7	Dhaka, Bangladesh	100	200.6K followers
8	Chongqing, China	100	112.2K followers
9	Hangzhou, China	100	171.3K followers
10	Lima, Peru	100	30.7K followers

Сирдарё
вилояти | Тарғибот

ТУШУНЧАЛАР ЯНАДА БОЙИДИ

Янгиер педагогика коллежида янгиланган Конституция ва Меҳнат кодекси юзасидан семинар ўтказилди. Унда Ўзбекистон касаба уюшмалари Федерацияси Сирдарё вилояти кенгашининг меҳнат ҳуқуқ инспектори Широной Умаралиева мавзу юзасидан атрофлича тушунча берди.

Семинарда иштирок этганлар меҳнат соҳасидаги қонун ҳужжатларига оғишмай амал қилиш, меҳнат муносабатларига оид қонун ҳужжатларининг самарали қўлланилиши ҳамда кадрларга оид юритилаётган, қабул қилинаётган ҳужжатларнинг қай таразда расмийлаштирилиши юзасидан батафсил маълумот олишди.

Иш жойида меҳнатни муҳофаза қилиш қоидаларига риоя этилишини таъминлаш, хавфсиз меҳнат шароитларини яратиш бўйича Федерациянинг вилоят кенгаши меҳнат техник инспектори Абдукамол Ҳакимовнинг ҳаётий мисоллар билан тўйинтирилган мулоҳазалари барчага манзур бўлди. Қизғин мунозараларга бой тарзда кечган тадбирда сўзга чиққанлар бундай мулоқотлар ишчи-ҳодимлар учун зарурлигини, уларнинг ҳуқуқий билимларини оширишга хизмат қилишини таъкидлашди.

Бердимурод АБДУЛЛАЕВ,
Ўзбекистон касаба уюшмалари Федерацияси
Сирдарё вилояти кенгаши меҳнатни муҳофаза
қилиш хизмати етакчи мутахассиси



www.ishonch.uz



ishonch1991@yandex.uz



https://www.facebook.com/
ishonch.gazetasi



https://t.me/ishonchgz



